



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 21. Accede cum desiderio, gaudio, sinè nauséâ. Ex Veteri. Novo. Patribus.
Exempla.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

valeat contemplari, debet faciem, oculos nempe naturales, velare; & extendere solum alas fidei. Sylveira in Matth. 18. q. 14.

Amen dico vobis, non inveni tantam fidem in Israel. Matth. 8. 10. An non major fides Nathanaëlis Jo. 1. 49. *tu es Filius DEI; tu es Rex Israel.* Vel Petri Matth. 16. 16. Fides ex objecto illustrior. Chrysologus f. 102. ait, Centurionem suis verbis præfigurasse fidem Christianorum communicantium: Fratres, hoc rectum Corpus est, quod tegit animam. Sub hoc ergo tecto Centurio dicit, indignum intrare Christum, hoc est, in Corpus humanum divinam succedere maiestatem. Sylveira in Jo. 6. q. 38.

Non inveni tantam fidem in Israel. Matth. 8. 10. Tetigit vestimentum mulier, & curata est, & ab antiquo absoluta est languore. Miseri! qui quotidie Corpus Domini tractamus, & sumimus; & à nostris vulneribus non curamur. Non Christus infirmantibus, sed fides, deest. S. Chrysolog. f. 33. Laudatur Chana-na fides, non latronis in cruce: quia hic postulat regnare cum Christo, at illa petebat mensæ Sacramentalis micæ, ut interpretatur S. Ambros. l. 8. in Luc. animosior huius, quam illius fides. Sylveira in Jo. 6. q. 38.

Vidi unum angelum stantem in sole, & clamavit: venite ad cenam magnam Dei. Apoc. 19. 17. 18. Angelus sub pedibus solem habens ostendit, lumen rationis in consideratione sanctissimi mysterii sub pedibus ponendum. Solus ad hoc fidei mysterium admittitur auditus, II. 55. 2. *audite audientes me, & comedite bonum.* Incertò Authore.

Ex Patribus, & aliis.

Si cum fide accesserimus, procul dubio videbimus eum in præsepi jacentem: siquidem hæc menta vicem explet præsepi. S. Chrysost. orat. de B. Philogonio.

Summo cum metu, & purâ conscientia, fideque haudquaquam dubia, accedamus: ac protecto sic nobis fiet, quemadmodum firmè, ac constanter, credimus. S. Joannes Damasc. l. 4. c. 14.

Potuisse planè mentis acies infidelitatis obtebrari caligine, atque illuminatæ fidei resillire splendore, si creaturarum qualibet tanti mysterii fieret insitutor. Abegit itaque omnem dubietatis opinionem, omnisque argumentum erroris; quando per seipsum id voluit consummari. Nihil hoc Sacramentò verius, nihil certius, credi potest, cujus institutionis DEUS auctor est. S. Laurentius Justin. de triumph. agone Chr. cap. 4.

De fide interioris hominis procedit divini gustus saporis. Fulbertus Carnot. Ep. de V. Sacr. ep. 1.

Mens deficit, quam non recepta Eucharistia erigit, & accendit. S. Cyprianus ep. 54.

Oculus humanus vultu velatò per tenuem velaminis rimulam solem intuens. Lem: *Hac rursò, totuq. videtur. Apparet eis, qui fidem habent in illum.* Sap. 1. 2.

Videre quisquis illud aureum sidus, subar illud orbis, Numen illud astrorum, Mortalis optas: ora cautus obnube Oculi fidei fac tegantur a velo Pupilla fidum spectet in punctum: Minimo videri summus ambit, & gaudet, Ille DEus puncto totus mihi sistitur unò: Exiguò immensus sistitur orbiculo,

Guilielmus Hesius.

§. XXI.

Eucharistiam accede cum desiderio, gaudio, sine nausea.

Ex Veteri.

Ecce Filius tuus Joseph venit ad te. Gen. 48. 2. O quantum gaudium debet esse, cum dicitur alicui: ecce filius tuus Joseph venit, ad te illuminandum, & calefaciendum. Hugo Card. hic.

Comederis festinanter. Ex. 12. 11. Quod autem dicit, cum festinatione illud manducandum, præcipit, nè lentò corde, & ore languiddò, Sacramentum Dominici Corporis sumamus; sed cum omni aviditate animi, quasi verè esurientes, & sitientes, iustitiam. S. Gaudentius tr. 2. in Exod.

Tabernaculum ita facies: decem cortinas &c. Exod. 26. 1. Oleast, novit Dominus, quàm facile in contemptum veniant, quæ nobis sunt familiaria: ideo, licet delicias duxerit esse cum filiis hominum, voluit tamen ab eis multis operculis occultari. Scilicet ut avidius quæratur. Didacus Niss. D. 4. Pent.

Anima nostra jam nauseat super cibo isto levissimo. Num. 21. 5. Apostolus cor meum animaverat, cum iis impendere iudicium dixit, qui ad Christi epulum polluti irrumperent. I. Cor. 11. 29. *qui manducat, & bibit indigne &c.* Indignus cum sim, abstinerebo; & evado. At Moyses cor meum exanimat; dum non profanatores, sed nauseantes exterminatos refert. Non proculcatio, sed nausea, serpentes evocavit in fastidiosos. Toties peccarat populus in DEum diffidentia, concupiscentia, libidine, timore, tædio, murmure, idololatria; nec omnino perit. Ubi autem nauseare coepit manna, ea immixta plaga est, quam non Aaron thure, non Phinees gladio, non oratione Moyses, non lacrymis populus, sed morituri in ligno Domini sedare, laniena. Olival. 4. Strom.

O si quis mihi daret potum aquæ &c. 2. Reg. 23. 15. Sitiebat David non aquam delacu, qui est in Bethlehem: sed oriundum ex Virgine Christum in spiritu prævidebat. Volebat ergo bibere non aquam fluminis, sed potum gratiæ spiritualis: hoc est, non aquarum sitiebat elementum, sed sanguinem Christi. S. Ambros. lib. de Apolog. David c. 2.

Quemadmodum desiderat cervus. Ps. 41. 2. Quid est ut cervus? non sit tarditas in currendo; impigrè curre, impigrè desidera fontem. S. August. hic.

Zzz 3

Quando

Quando venies ad me? Pl. 100. 2. Talem hic admirabilis vir puritatem habuit, ut cum fiducia ad DEUM clamaret, *quando venies ad me?* Videlicet regales aulas instructas tibi praparavi; tuum adventum Domine exopto, tuamque praesentiam desidero. B. Theodoretus hic.

Comede in letitia panem tuum, & bibe cum gaudio vinum tuum. Ecclae. 9. 7. id est, fume Eucharistiam cum gaudio; quod ex munda conscientia profluit. de Ponte in Cant. 1. Exh. 15. §. 6.

Ex Novo.

Panem nostrum supersubstantialem &c. Matth. 6. 11. Hanc petitionem de Eucharistia intelligunt Tertull. Basilus, August. Ambr. Cyprian. Chrysost. Teste S. Hieronymo in ep. ad Tit. 2. à multis in Graeco legitur: *panem praecipuum, eximium, electum.*

Cum turba irruerent in eum. Luc. 9. 1. Quod rarum, charum. Cur Christus in V. Sacramento se nobis tam involutum, & tectum, sub speciebus panis, & vini, exhibet? Algerus l. 2. de Sac. c. 5. ideo Christus noluit apparere, ut sit desiderabilior. S. Paschasius c. 12. de Sacramento: aviditis requiritur, quod latet; & pretiosius est, quod cum fide quaeritur. S. Basilus: rosarum amatoribus natura minutas illas spinas, quasi quaedam amatoria illectamenta, isti flori adfixit; ut stimulis illis aegre contactum admittentibus ad majus desiderium colligentes provocet. Didacus Niss. D. 4. Pent.

Secessit seorsum in locum desertum. Luc. 9. 10. 11. *quod cum cognovissent turbae, secuta sunt illum.* Cur non potius in urbe commorantibus illud convivium fecit? S. Ambrosius in Apolog. David c. 7. gratiae coelestis impartitur alimentum non otiosis; non in civitate, quasi in Synagoga, vel laicali dignitate, residentibus; sed inter deserta quaerentibus Christum: qui enim non fastidiunt, ipsi excipiuntur à Christo. Mendoza in 1. Reg. 3.

Ego sum panis vitae. Jo. 6. 48. Decies vitam vocat Eucharistiam, ut gratus de sacra coena sermo fluat. S. Chrysost. hom. 46 in Jo. vitae ubique meminit; nam ejus trahimur cupiditate. Velloso in Judith. 2. v. 2.

Lac concupiscite. 1. Petri 2. 2. Quodnam lac? (Per lac verbale) sic enim vertit Clemens Alex. 1. paedag. c. 6. (accipit Verbum incarnatum.) Per hoc lac aliqui accipiunt Eucharistiam. Cornelius hic.

Ex Patribus.

Non videtis, quantà infantes animi alacritate mamillas arripiunt? quā pressione papillis insunt labia? non minore cupiditate nos quoque ad hanc mensam, & ad hujus calicis spiritua-lem accedamus papillam: imò verò majori desiderio, quasi lactentes pueri, gratiam spiritus fugamus. Unus sit nobis dolor, una coelestia, si hoc alimentum spirituali privamur. S. Chrysost. hom. 83. in Matth. 26.

Ardenti cupiditate ad eum accedamus; manibusque in Crucis formam compositis Cru-

cifixi Corpus suscipiamus; atque & oculis, & labiis, & frontibus impolitiss, divini carbonis participes efficiamur: ut ignis desiderii in nobis insit, assumptà eā, quae ex carbone oritur, inflammatione, peccata nostra exurat, ac pectora nostra collustret; demusque operam, ut per divini ignis perceptionem inardescamus, Diique efficiamur. S. Joannes Damasc. lib. 4. cap. 14.

An non horam illam beatam dixerim, in qua divina Majestas inclinatur ad hominem; se illi communicat, ipsum pascit, & potat, non aliò cibo, quàm Corporis sui; neque potu aliò, quàm proprii sacri cruoris. S. Laurentius Just. l. in festo Corp. Chr.

Cum accedis ad calicem communionis sanguinis CHRISTI; ità affectus sis, quasi ex ipso latere bibas. Theophylactus in cap. 19. Joan.

Exempla.

S. Ida ex ardore divini amoris, & desiderio fumendae Eucharistiae, sapius tempore Missae copiosum sanguinem ex ore, & naribus, effudit. Communicatura cum aliis Religiosis dicebat ad unum ex illis: *eamus, & devoremus DEUM*; nesciens, quomodo desiderium suum erga Eucharistiam explicaret. Bollandus 13. Aprilis.

S. Lidwinæ prae desiderio Eucharistiae, dies unus, quò carere cogebatur, saepe unus annus videbatur. Bolland. 14. April.

S. Catharinae Senensis erat tantum desiderium frequentius communicandi; ut nisi adimpleretur, durè pateretur corpus, & quasi deficeret. Bolland. 30. April. Quando cupiebat communicare, dicebat Confessario suo Raimundo: *Pater; ego esurio; propter DEum detis cibum animae meae.* Ib.

§. XXII.

Eucharistiam accede sine rancore, pacis &c.

Motiva

Ex Veteri.

Melchisedech, qui panem, & vinum, obtulit. Gen. 14. 18. *Rex Salem*, id est, *pacis* interpretatur. Hinc tunc occurrit Abrahamo, quando ex fraterno amore Lothum ab hostibus defenderat. v. 15. non verò, quando rixa inter eos erat. Novarinus Agn. Euch.

Quid venistis ad me hominem, quem odistis, & expulistis à vobis? Gen. 26. 27. Dicebat Isaac ad injurias sibi. Fecit eis ergo convivium, & post cibum, & potum, surgentes manè juraverunt sibi mutuo. Applica Christo Eucharistico. Escob. t. 3. Colloq. Chr. l. 6. Obs. 1.

Pater Isaac filio Jacob non irascitur ob preceptam benedictionem; quia frumentò, & vino, stabilivit eum. Gen. 27. v. 37. Erat haec figura Eucharistiae, teste Paschasio l. de Corp. & Sangvi. D. c. 12. In hac mera se prodit Christi pietas. Sylveira in Jo. 6. q. 20.

Immo.